

**MINISIRIW KA NAMOGOSOB**

**BURUKINA FASO**

Faso walima Saya, See y'an taa ye

-----

**GUVENEMAN KA KUMALASELA**

**MINISIRIW KA LOGOKUNJONGONYE KOLASESEBE**

(PP-G N°017-2026)

-----

**Pengidiwende Ziliberi WEDARAWOGO**

**Wagadugu saan 2026, Samipadonkalo tile 21**

Minisiriw ka logokunɔgonye sigira Wagadugu, Lamusalon tile 21, saan 2026  
Funtenikalo ra, a daminana leeri 9 tuma na, ka laban leeri 12 temenin miniti 42,  
ni Kapiteni Ibarayimu TARAWARE ka jamogoya ye, Faso Namogoba,  
Minisiriw ka ɔgonye jamogo.

A ye ɔgonye sigikun sebekuluw segesege ka latigeliw ta. ɔgonyekulu ye  
dalakunnafoniw di, a ye baara jamogoya dow didi, ka sorɔ ka sira di jamana  
kɔkan lasigidenyabaara dow keli ma.

## **I. LATIGELIW TALI**

## **I.1. FASO NAMOGOSIBA TOGO RA**

Jogonyekulu ye **kolasesebe kelen** segesege ka jasin Jamana ka baaradaba min bi jalaw di baarakelaw ma, ka baarabololanin jonjon fila ma.

O baarabololaninw b'a lapini ka kunnawolojala ni derenan negemanw « made in Burkina » dilan k'o di Jamana ka baaradaba ma, min bi jalaw di baarakelaw ma. O ra, kunnawolojala **5875**, noronan **2300** ni noronan negeman **47 005** le bina san.

O baarabololanin jonjonw ka musaka mume bina ben **durume miliyon keme duuru ni fila ani waga bi duuru ni duuru (502 055 000)** ma, wusuruw bee **farani ko sefawari ra**. O musaka bina bo Guvereneman ka saan 2026 ka baarakenafolo la.

## **I.2. SENE, JIKO, BEGENMARA NI MONI NAFOLOW MINISIRISO TOGO RA**

Jogonyekulu ye **sariyaba kelen** ta, ka jasin faliw, jogomew ni soow fagali, o ka jamana konotagama n'o ka jamana kakanboli an'o ka fendilanninw lasagoli ma Burukina Faso.

Sariyaba nin bi saan 2016, sumanladonkalo tile 07 ka sariyaba n°2016-857/PRES/PM/MRAH/MCIA/MINEFID/MATDSI lakuraya, min tun tara ka faliw, jogomew ni soow fagali, o ka jamana konotagama n'o ka jamana kakanboli an'o ka fendilanninw lasago Burukina Faso konon.

Deseyoro minw yera o sariyaba nin waleyali la, o bi dafejamanaw ni jogon ce ka begenjago ani begen ninmanw ka jamana kakan boli cayali kele gwelaya, sango yurukuyurukelaw bi feerekura minw waleyara sisan.

Kabi saan 2015 ra, faliw ka janamanya gweleyar'an ka jamana kono bari, o lapininin lo caaman Azi jamanaw na, jonjonna, o golow n'o ka feen werew kanma. Kasoro Burukina Faso, faliw, jogomew ni soow marali layoro ka bon jamakow, sorokow, lonkow ni korolenkow ra jamanadenw fe dafeduguw ra.

Kokura minw donna sariyaba nin na, olu jasinna koo nataw ma :

- jamanakonotagama ni begenw ni begen fendilannin mineninw lasagoli jatimineni ;
- mogo minw bi baara ke o baarakunda nin na, jago siradisebe bina sigi olu ka baara ra ;
- yurukuyurukow bi ke caaman yoro minw na, yanni begenw ka labo yen siradisebe ka kan ka soro folo ;
- begenw walima begenfenw mineni walima, o bosili.

Sariyaba nin tali sababu fe, sariyasebew bina soro walisa ka faliw, jogomew ni soow marali n'o ka fendilanninw ka yurukuyurukow keke ka je Burukina Faso kono.

### **I.3. SOROW NI NAFOLOKOW MINISIRISO TOGO RA**

Jogonyekulu ye **kolasesebe naani (04)** segesege.

**Kolasesebe folo** ye, **sariyaba bololanin kelen** ye, min jasinna Guvereneman ka baaradaw sigisariyaba ma, minw bi jama ka sinijasigi laben.

O sariyaba bi saan 2014, cocokalo tile 1<sup>b</sup> ka sariyaba n°2014-679/PRES/PM/MEF/MFPTSS lakuraya, min tara ka jasin Guvereneman ka baaradaw sigisariyaba ma, minw bi jama ka sinijasigi laben.

O lakurayali b'a lapini ka deseyorow latilen, minw yera sariyaba nin waleyali la ani ka Guvereneman ka baarada minw bi jama ka sinijasigi laben, ka sariyasiraw

latilen k'o ben Farafinna jamanaw ni jɔgɔn ce ka jenkuluba min jasinna jama ka sinijasigi latangali ma, sigisariya ma.

Yelemali minw donna sariyaba nin na, olu ye :

- se bagaya bi Guvereneman ka baarada minw bi jama ka sinijasigi laben fe, ka taga baarakow lasagoli cennafolo faan fe, sinijasigi labenni baarada ka minisiriso ni Nafolow lasagoli minisiriso ye min cogoyaw sigi ;
- Guvereneman ka baarada minw bi jama ka sinijasigi laben, o lasagolikulu labencogo yirali, min ka baarakenafolow bi bo jonjonna Guvereneman fe ;
- Guvereneman ka baarada minw bi jama ka sinijasigi laben, o lasagolikulu labencogo yirali, min ka baaraw jasinna Jamanadenw bee ka furakelijuman sorocogokelen lasagolisariya lasagoli ma ;
- baaraw jaya segesegelikulu ni nafolokundonkulu sigili baara lasagolikulu kono ;
- baarakese seerayasebe jasi gili, min ka kan ka don baara lasagolikulu ni baarada jamogoba ce.

Sariyaba nin tali sababu fe, Jama latangalifeerew ka sariyasiraw n'o waleyafeerew bina lasinsin Burukina Faso.

**Kolasesebe filanan ye sariyaba bololanin** ye, min bi kuma Korotoli forobanafako kelen kan ka jasin teren baarakunda ka baarakebonw lakurayali baarabololanin ma Burukina Faso.

An ka jamana ka teren baarakunda ka baarakebonw korɔ, mogow siginin b'o kunfe, dugubaw ni terengariw ra, mogow bi feereli ke terensiradaw ra walima, o bi boonw lo o sago ma, o min daganin te.

O koo nin bi terenw ni teren loliw latangali gweleya. A bi yoro lakurayali baarabololanin waleyali fana gweleya, Burukina ka terensira cennafolow lasagoli baarada (SOPAFERI-BE) ye min pasigi.

O sariyaba b'a lapini ka Burukina Faso ka teren baarakunda ka baarakebonw lakurayali baarabololanin ke korotoli forobanafako ye walisa ka mogow wili ka bo teresiradaw ni terenbaara yorow ra jango ka terenbaara latanga ani ka terenboli laloli faratiw jakorotige.

Lakurayalibaara pasigininw ye :

- terenbaara loliw lakurayali ni terensira km 622 dilanni ye walisa ka terentagama kecogo lafisaya, o terensiraw bina dilan ni esiye toni 20 ye, kasoro sisan taaw ka esiye toni 17 ye ;
- terensira n'a gerefelaw lakurayali cogoya ra, walisa ka tagama lafisaya ni jamana werew ye ani ka teren lateliya ka se km 100 jagon ma leeri kelen konon ;
- lasomiferekuraw bilali senkan, minw bina ke sababu ye ka terentagama latangali lafisaya ani k'a ke terentagama bi lasago a yere ma.

Sariyaba nin tali sababu fe, Burukina Faso ka teren baarakunda ka baarakebonw lakurayali baarabololanin bina ke korotoli forobanafako ye.

**Kolasesebe sabanan** bi kuma Guvereneman ka saan 2026 baarakenafolo waleyali kan, foo ka se funtenikalo tile 31 ma.

Foo ka se saan 2026, funtenikalo tile 31 loon ma, waridonta minw donna baarakenafolo konon, o benna **miliyaari 807,56** ma **sefawari** ra, kasoro wari min tun bi lapinina kalo saba konon, o tun ye **miliyaari 748,60** ye, **sefawari** ra, o min b'a yira ko, kalo saba nin na, wari soronin kiimehake bi ben 107,88% ma kasoro, saan temenin na, a tun danna 22,71% ma.

Saan 2026 ra, kalo saba folo kono, guvereneman ye musaka minw ke, o kiimehake ye **miliyaari 741,23** ye **sefawari** ra, kasoro musaka min tun pasigira ka ke, o tun ye **miliyaari 3 918,29** ye **sefawari** ra. O b'a yira ko, musakahake min kera, o kiimena **18,92%** ye. Saan 2025 ra, o wagati kelen nin na, musaka keninw tun ye **miliyaari 730,24** ye **sefawari** ra.

Min ye baarakenafolo lasagoli ye, foo ka se saan 2026, funtenikalo tile 31 loon ma, **miliyaari 1 453,44** le sorora ka bo Guvereneman ka waribondow kono, kasoro saan 2025 ra, **miliyaari 911,20** le sorora **sefawari** ra o wagati kelen na, o min ka pataga kiimehake bi ben **59,51%** ma.

Guvereneman ka waribondo ye wari mume min bo, o benna **miliyaari 1 245,33** ma **sefawari** ra kamasoro saan 2025 ra, a tun ye miliyaari 969,70 y'o wagati kelen nin na.

N'an ye waridontaw ni waribotaw sanga, wari min tora musakaw keli ko, o ye **miliyaari 208,11** ye **sefawari** ra.

Saan 2026 ra, kalo saba folo temenin ko, warijonjonw ni tagamasijew segesegeli kera sababu ye ka feere taninw jeya korosi baarakenafolo ni sorow lasagoli waleyali kono.

O ra, foo ka se saan 2026, funtenikalo tile 31 loon ma, baarakenafolo marata ye **miliyaari 239,45** ye **sefawari** ra, tano min sorora baarakenafolo ka musakaw keli ko, o kera **miliyaari 66,33** ye **sefawari** ra. Saan 2025 ka funtenikalo laban na, Baarakenafolo ka tano mume tun ye **miliyaari 86,32** ye **sefawari** ra ka baarakenafolo ka bono mume ke **miliyaari 52,68** ye **sefawari** ra.

O baara jeya kanma, jogonyekulu b'a fo ka gwelaya baarakelaw ye k'o ka jija n'o ka baarabaw ye ka taga baarakenafolo lasagoli jeya faan fe an'a b'a jini latigelitalaw fe k'o ka segi saan 2026 ra, ka saan 2025 ka musaka dow ke, minw

tun ye kɔnkakəkow ye nga, o ma se ka kɛ, ka sɔrɔ ka musakakura werɛw kɛ walisa juruw kana caya.

Ƴɔgɔnyekulu sɔnna ka kolasesɛbɛ nin ci Jamanadenw ka fanga depitebulon ma, min labenna Guverɛnɛman ka saan 2026 baarɛnafolo waleyali kan, foo ka se funtenikalo tile 31 ma.

**Kolasesɛbɛ naaninan ye sariyaba bololanin kelen** ye, min tara ka pasin Burukina Faso ka yerɛta damannafolo (ƐFƐSIMIBE) « **Siniyan-Sigui** » basigili ma, min pasinna nafolokundonw ma.

Kabi kalo caaman, sanu sɔngɔ bi yeɛɛla ka taga, foo ka sanu sumanan kelen sɔngɔ tɛmɛ Ameriki ka dolariwari (IYƐSIDE) 4000 ma, **sefawari** ra, o bi bɛn **d.15 600** ma, n’o ye sanu garamu kelen sɔngɔ ye. O sɔngɔ yeɛɛli min ti kɛ tuma bɛɛ sababu fɛ, Guverɛnɛman ye tɔnɔbaw sɔrɔ damanbaaraw ra, minw lajenni bina se ka yeɛɛma ka kɛ nafolokundonwari ye wagati kuntagasurun kɔnɔ ani ka kɛ yiriwali kuntagajan tintinbere ye. Hali ni sanu sɔngɔ yeɛɛla, gweɛɛyaw bi yen halibi jɔnjɔnna, fɛɛɛɛ ti yen, min bi se ka damanbaara ka tɔnɔbaw lajɛn k’o lasago. Bilankɔrɔfɛɛɛɛ fana ti yen, min bi kɛ siguluw ni jɔgɔn cɛ walisa sikulu nataw fana ka sisan ka damanbaara tɔnɔw sɔrɔ.

Damanbaarakunda lɔyɔrɔ ka bon jamana ka sɔrɔw yiriwali la minke, a kɛra waajibi y’an ka jamana fɛ ka yerɛta damannafolo sigi, min bina damannafolow lasago.

Sariyaba nin b’a lapini ka damannafolo nin bila senkan koo nataw kanma :

- ka lɔliw kɛ n’a yerɛlawariw ye ani ka jamana ka lizibaarakunda kɔrɔta ;
- ka Burukina Faso ka yerɛtali lasinsin nafolokow ra ani ka Jamana ka senyɛrɛkɔrɔ hake lafisaya.

Sariyaba nin tali sababu fe, Burukina Faso ka yereta damanafolo « Siniyan-Sigui » min jasinna nafolokundonw ma, bina basigi walisa ka damanbaaraw ka tonow yelema ka ke nafolokundonwariw ye, minw bina ke yiriwali kuntagajan ni senyerekorɔ tintinbere ye Burukina Faso jamanadenw fe.

#### **I.4. JAMANA KOKAN LASIGIDENBAARAW MINISIRISO TOGO RA.**

Nogonyekulu ye **kolasegisɛbe kelen** ta ka jasin siradisɛbe ma, min bi Zeruzalemu, Orodni ni Maliti jamanaw ka lasigiden kelen sigi Burukina Faso.

Nogonyekulu ye sira di walisa **Patiriki ZABERE** ka ke Zeruzalemu, Orodni ni Maliti ka lasigiden ye Burukina Faso, a sigiyoro benna Wagadugu ma.

#### **I.5. LIZINIBAARA, JAGO NI BOLOLABAARA MINISIRISO TOGO RA**

Nogonyekulu ye **kolasegisɛbe fila (02)** ta.

Burukina Faso, sariyatije n'a jegiliw minw jasinna feenw sumali ma, latigera saan 1986, funtenikalo tile 24 loon ka sariyaba Zatu n°86-021/CNR/PRES konɔ, min bi sumali feerew ni sumalikeminanw segesegeli labencogo yira. Saan caaman temenin ko, yelemanin donna sumalibaaraw ra, o kanma, danyorow yera sariyaba nin konɔ.

Sariya bololanin nin bina ke sababu y'an ka jamana fe, ka sariyaba Zatu ka tokajenyorow latilen ka kepe ni bilon tile ka sumalibaaraw sariya ye, min bi saan 2014, sumanmokalo tile 25 loon sariya n°08/2014/CM/UEMOA labato.

Sariya bololanin lakurayali kunmaw jasinna jegili dogoyanin an'o alamaniw mayele ma. Sariya dansago min bi sumali minw bi yira gansiliw ni foroba kumajogonyaw konɔ, sumali minw kera feereli je ani sumaliw sariya fana jatimine kera o lakurayaliw konɔ.

Jɔgɔnyekulu ye sira di walisa nin sariya bololanin ka lase Jamanadenw ka Depitebulon ma.

**Kolasegisɛɛ filanan** jasinna **sariya bololanin kelen** dɔ ma, min kuun ye ka yeɛmani don saan 2016, samipadonkalo tile 13 ka sariya n°2016-357/PRES/PM/MCIA/MINEFID ra, o min jasinna Burukina jamana ka sariya labenni baarada ra, min ka baaraw jasinna balofɛnw gwiliya, o sumada n’o jaya lonni ma (ABENOROMU)

Saan 2025, sanyɛɛmakalo tile 31 loon ka sariya n°2025-1683/PF/PRIM/MEF min kuun ye ka yeɛmani don saan 2014, samipakalo tile 24 loon sariya n°2014-613/PRES/PM/MEF ra, min tun jasinna Guverɛnɛman ka forobamarali baarada (EPA) ma. Sariyakura ye dɔ bɔ kɔrɔsilikɛlaw daa ra, baarakunda lasagolikulu ka jɔgɔnkunbenw na, k’o ka lɔyɔrɔsɛɛ yeɛmali diyagoya.

Guverɛnɛman ka forobamarali baarada ka saan 2024 jɔgɔnyeba y’a fɔ ka gweɛya ko, baarakeminan waajibiyandinw jatili baaradabolo ka kan ka don Guverɛnɛman ka forobamarali baarada lɔyɔrɔsɛɛ an’a baaraw ka donjɔgɔnnaw labencogo kɔnɔ.

Nin sariya tali bi kɛ sababu ye ka sariyasɛɛw sɔrɔ k’o bila Burukina jamana ka sariya labenni baarada min ka baaraw jasinna balofɛnw gwiliya, o sumada n’o jaya lonni ma bolo kɔrɔ walisa, o k’o ka baaraw kɛ ka jɛ.

## **I.6. CɛMANCɛKALAN, BAARAKALAN NI FɛɛRɛKALAN MINISIRISO TOGO RA.**

Jɔgɔnyekulu ye **kolasegisɛɛ kelen** ta, min jasinna cɛmancɛkalan, baarakalan ni fɛɛrɛkalan minisiriso ka baarabololanin jɔnjɔnw ma.

Baarabololanin jɔnjɔn nunu kuun ye ka minanw sɔrɔ Gweleyatuma ka Kɔrɔtɔli Ladagamuli baaraw kanma walisa ladagamuli ka se ka ke, ka gweleyaw kunbencogɔruman lasinsin sigida jamakulu mɔgɔw fe.

O baarabololaninw jasinna :

- Saheli fanisow sanni, o sigili an'o kɔnɔna baarakeminanw sɔrɔli ma;
- kalanyiraminanw sɔrɔli a wagati ra, kiimeli fila min ka kan ka ke saan 2026 kanma, cemancekalan, baarakalan ni feerekalan minisiriso ka marabakulu saba (03) tɔgɔ ra.

Baarabololaninw musaka mume sera **miliyaari duuru ani miliyɔn keme duuru ni duuru ani waga bi saba ni kelen ani keme naani ni mukan ni wolowula ani murumuru seegi (d.2 505 31 427, 8)** ma.

A timinandiyawari bɔra Guvereneman ka saan 2026 baarakenafolo kɔnɔ.

## **II. DALAKUNNAFONI**

## **II.1. Sɔrɔw ni nafolokow Minisiri ye kunnafoni fila lase jɔgɔnyekulu ma :**

**Kunnafoni fɔlɔ** kumana Burukina Faso ka sɔrɔ ni nafolo cogoya koo ra saan 2025 kɔnɔ, ka nasin saan 2026 ka tagabolo fɔlɔw cogoya ani saan 2027-2029 cɛ ka lapininw ma.

Ka keɲɛ ni kunnafoni sɔrɔninw ye, Burukina jamana ka sɔrɔw ye jataga sɔrɔ saan 2025 kɔnɔ, o min bi se 5,3% ma saan 2024 taa kɔ, min tun ye 4,8% ye. O b'a yira k'an ye jataga sira le ta, min bi jijali don an na. O jataga min fanga ka dɔgɔ ni wagati tɛmenin ka lapininw ye, k'o sababu kɛ yeɛɛmani min donna lizinibaaraw ni sɔrɔninibaaraw ka seew dɔgɔyali la, o min b'a yira ko sɔrɔko ka gweɛya kunbencogonuman bi ye ka ja ani jataga sɔrɔli sibatili k'o sababu kɛ guverɛneman ka jijali ye. Saan 2025 ra, min farara fɛenw songɔ kan, o bi ben – 0,5% ma, o min dɔgɔyara tomi 4,7% ma kɛmɛsarada ra ka keɲɛ ni saan 2024 taa ye. O yiriwali ni bi saan 2025/2026 ka sɛnɛ kanpaɲ numan nɔɔ jɔnjɔn le yira ka taga dumunifɛnw songɔ faan fɛ.

Saan 2026 ra, sɔrɔbaaraw tun bi kɛra dunuɲa sigiyɔrɔ n'a lamini kɔnɔ, o min na sigasigaliw bele bi yen ka nasin dugukoloko politikiw ni sannifeerekow ma, n'o bi se ka nɔɔw to fɛnkunmamaw songɔ n'o ka sɔrɔko kan. O hukumu n'a taa bɛɛ, jamana ka sɔrɔko ka lapininw b'an jijala hali bi, ka keɲɛ ni jijaliw ye ka taga Jamana ka dugukolow tigiya kɔlasegili ni sɛnɛ ni beɛgenmara kanpaɲnuman ka lapininw faan fɛ.

Sɔrɔbaara tun bi se ka to a ka jataga sira kan ni yiriwali lapinin 5,7% ye saan 2026 ra, saan 2025 ta kɔ, o min tun ye 5,3% ye nga, a bi se ka taga ja ka se 7,7% ma ka keɲɛ ni yiriwalifɛɛrɛ ka lapinita walawalaninw waleyali ye saan 2026-2030 cɛ.

Saan 2027 ni 2030 wagati cɛ, sɔrɔko tun bi jataga sira kan ka ben ni kiimenan nunu ye 6,1% saan 2027 kɔnɔ, saan 2028 taa ye 5,5% ye k'a laban ni 5,3% ye

saan 2029 ra. O jataga bina bo baaradaw mume ka jataga le ra. O bina se feenw songo koro k'a jigi 3% jukoro a bee ra saan 2027 ni 2029 wagati ce n'a sorora sene kanpaji jena, ni jamana ka latangaliko fisayara, ka kaga guvereneman ka jataga faan fe, min jasinna feerew tali ma dipelatige gweleya keleli ani dugukoloko ni politikiko kelew nogyali ma.

**Kunnafofi filanan** jasinna Guvereneman ka baarakenafolo, a ka warimuguw n'a ka musakaw ma, saan 2025 konon, ka se sanlabankalo tile 31 loon ma.

Ka se saan 2025, sanlabankalo tile 31 ma, nafolo soronin minw sera ka lajen, o benna **miliyaari 3 693 ani miliyon 710** ye **sefawari** ra, o min bi ben lajennin kiimenan hake 108,40% ma. Ka sanga ni saan 2024 taa ye, foo ka se sanlabankalo tile 31 loon ma, hakeya tun ye **miliyaari 2 947 ani miliyon 670 sefawari** ra, o bi jataga yira, min bi ben **miliyaari 746 ani miliyon 40** ma **sefawari** ra. A b'a yiea fana ko do farara lajenni see kan, min bi ben tomi 14,99 ma kemesarada ra.

Ka jasin wariko musakaw waleyali ma, Guvereneman ka nafolow n'a ka musakaw waleyali hakeya benna **miliyaari 4 076 ani miliyon 770** ma **sefawari** ra. Minw ye musaka keninw ye, olu labenna ka kape **miliyaari 4 095 ani miliyon 410** ma **sefawari** ra, o min waleyali kiimenan hake ye **99, 55%** ye. Ka kape n'o wagati kelen ye saan 2024 ra, musaka waleyaninw daa tun ye **miliyaari 3 666 ani miliyon 130** ye **sefawari** ra, o min bi kape waleyali kiimenan hake **98,92%** ma. Musaka keninw koo ra, olu fana min labenna ka kape **miliyaari 3 706 ani miliyon 120** ma **sefawari** ra.

Ka jasin musakaw lasagoli ma, warihake min sera ka don jamana ka warimarabondo jonjonw konon, o benna **miliyaari 5 082 ani miliyon 050** ma **sefawari** ra. N'a sangara ni saan 2024 taa ye, foo ka se sanlabankalo tile 31 ma, o tun ye **miliyaari 3 919 ani miliyon 200** ye **sefawari** ra, n'o bi ben saan jataga n'a kiimenan 29,67% ma. Warihake min bora foroba warimarabondo konon, o bi

ben **miliyaari 5 022 ani miliyon 730** ma **sefawari** ra. N'a sangara n'o wagati kelen taa ye saan 2024 kono, o tun ye **miliyaari 3 814 ani miliyon 860** ye **sefawari** ra, ka saan pataga ka kiimenan hake ke 31,66% ye.

N'o ye nafolo dontaw ni botaw sanga, juru hake min bi soro, o ye **miliyaari 59 ani miliyon 320** ye **sefawari** ra .

Ka se saan 2025, sanlabankalo tile 31 loon ma, Baarakenafolo marata min sorora, o bi ben **miliyaari 625 ani miliyon 350** ma **sefawari** ra. N'a sangara ni saan 2024 taa ye, o tun ye **miliyaari 347 ani miliyon 960** ye **sefawari** ra, o min bi pataga soronin yira, min sera **miliyaari 277 ani miliyon 390** ma **sefawari** ra. Baarakenafolo mumε too min tora musakaw keli ko, bono ye **miliyaari 506 ani miliyon 480** ye **sefawari** ra ka lapini latilennin ben **miliyaari 813 ani miliyon 060** ma **sefawari** ra.

Ka kape ni baarakenafolo waleyali cogoya ye, foo ka se saan 2025, sanlabakalo tile 31 loon ma, pataga ka kan ka don walew la walisa musakaw ka janabo cogonuman, jogonyekulu y'a jini musakaw keli siradibagaw fe k'o ka segi ka musakaw kan, minw ma se ka dakape saan 2025 ka baarakenafolow kono, k'olu segi ka bila sekan saan 2026 taa kono ka soro ka musakakuraw dabo walisa ka jurukuraw tali bali.

**II.2. Kunnafolijensen, lonko ni korolenko, sekoyirabaara ni padenlogolo Minisiri** ye kunnafoni kelen lase jogonyekulu ma, ka jasin Farafinna jamanaw ka sinima ni televiziyon jaaw seliba tako 30<sup>nan</sup> ma, min bi ke Wagadugu ( FESIPAKO). A bina ke saan 2027 ra, k'a ta funtenikalo tile 20 loon na ka se a tile 27 loon ma, n'a barokunba ye: « **farafinna jamanaw ka sinima ani jamanaw konona yiriwali** ».

Hali ni pataga ani maanaw suguya ka ca, farafinna jamanaw ka sinimaw gweleya dow kunben, min ka kan ka jensen walisa ka kononafeerew soro.

Sinima, o ye seko ni lonko yiracogo do ye, min bi noo to magow kan. A loyoro ka bon farafinna jamanaw ka yeretigiya n'o ka yeremahooronya jinini na. Nin barokunba ka lapini ye, ka temesiraw bila senkan konona yiriwali ni sinima ce farafinna konon.

**II.3. Kalanbaju, Balikukalan ni Siyakanw sabatili Minisiri ani Cemancekalan, baarakalan ni fereekalan Minisiri** ye jatibo ke jogonyekulu ye, ka taga saan 2026 ka lakoli ka isamenw ni jogondanbaaraw ani baarakela seereyasebew kan.

Ka kape ni Kalanbaju, Balikukalan ni Siyakanw sabatili Minisiriso taa ye, Balikukalan kalandenw ka lonniw kiimeli daminena saan 2026, sanmijadonkalo tile 19 n'a bina kuncce saan 2026, dannikalo tile 06 loon. Min ye lakolisomiseww ka kalan seereyasebe (SEPE) ye, o bi damine saan 2026, dannikalo tile 02 loon, ka laban saan 2026, sanmijakalo tile 18 loon.

Min ye Cemancekalan, baarakalan ni fereekalan Minisiriso ye, isamenw ni jogondanbaaraw ani fana baarakela seereyasebew daminena saan 2026, sanmijadonkalo tile 05 loon ni farikolojagabo ni farikolojanagwe ka koroboliw ye an'o bina kuncce saan 2026, sumanmakalo tile 22 loon ni baarakalan lonbaganaw ka seereyasebe (BEPETEYESI) koroboli jaabili diliw ye.

Min ye kolezi ka kalan seereyasebe folo (BEPSE), baarakalanw seereyasebe (BEPE) ani baarakese seerayasebe (KAPU) ye, olu ka farikolojagabo ni farikolojanagwe ka koroboliw latigera k'a ta saan 2026, sanmijadonkalo tile 05 ka se a tile 19 loon ma. Koroboli sebeliw bi damine dannikalo tile 02 ka laban ka tugu jogon ko saan 2026, dannikalo tile 12, 13 ani 15 loon.

Min ye Bakaloreya ye, ale ka farikolojagabo ni farikolojanagwe ka koroboliw bina ke saan 2026 ra, k'a ta sanmijadonkalo tile 21 na, ka se dannikalo tile 04

loon ma. O ka kərɔbɔli sɛbɛliw bina kɛ saan 2026, k'a ta dannikalo tile 23 ra ka taga se sanmijakalo tile 10 loon ma.

Min ye baarakese seereyasɛbɛw ye, Baarakese seereyeyasɛbɛ fɔlɔ (SEKIPE) bina damine saan 2026, dannikalo tile 30 loon ka laban sanmijakalo tile 07 loon Min ye Baarakese seereyeyasɛbɛ filanan (BEKIPE) ye, ale bina damine saan 2026, sanmijakalo tile 21 loon ka laban a tile 28 loon. Baarakese lɔnbaga seereyeyasɛbɛ (BEPETE) bina damine saan 2026, sumanmɔkalo tile 1<sup>lɔ</sup> loon ka laban a tile 08 loon. Min ye baarakalan lɔnbagaɲanaw ka seereyasɛbɛ (BEPETEYɛSI) ye, o bina damine saan 2026, sumanmɔkalo tile 15 loon ka kuncɛ a tile 22 loon.

Kalanbaju, Balikukalan ni Siyakanw sabatili Minisiriso ka isamenkela mume bi bɛn **mɔgɔ 385 543** ma, o min cɛma **musodenw/musow** ye **mɔgɔ 219 388** ye ani **cɛdenw/cɛɛw** ye **mɔgɔ 166 155** ye. Cɛmancekalan, baarakalan ni fɛɛɛkalan Minisiriso ka isamenkela mume ye **mɔgɔ 373 631** ye, minw cɛma **musodenw/musow** ye **mɔgɔ 212 450** ka **cɛdenw/cɛɛw** kɛ **mɔgɔ 161 181** ye. Minisiriso fila nunu ka isamenkelaw mume sera **mɔgɔ 759 174** ma.

Fɛɛɛw bɛɛ tara walisa saan 2026 ka lakɔli jɔgɔndanbaaraw ni isamenw ani baarakɛla seereyasɛbɛw ka kɛ ka ja.

### **III. BAARA NAMOGYAW DILI**

### **III.1. YEREKUNBAARAW NAMOGŌYA DILI**

#### **A. MINISIRIW KA NAMOGŌSOBA TOGŌ RA**

- An balimance Yaya **SANU, Matirikili 245 217 M**, Nafolow lasagoli ensipekiteri, kilasi 2<sup>nan</sup>, eselon 1<sup>lb</sup>, a kera Baarada ka yiriwali temesiraw labenni lonbaganana ye ;
- An balimance Erinesi **KABORE, Matirikili 91 269 A**, Nafolow lasagoli ensipekiteri, kilasi 2<sup>nan</sup>, eselon 5<sup>nan</sup>, a kera Baara lasagolanana ye, min ka baara jasinna Guvereneman n'a ka baaradabolow ka ninyoro nafolokun donninw bee korosili ma soronibaaradaw ra.

#### **B. SENE, JIKO, BEGENMARA NI MONI NAFOLOW MINISIRISO TOGŌ RA**

- An balimance Davidi Dilewigo Dimitri **KAMU, Matirikili 57 448 G**, Sene enzeniyeri, kilasi 1<sup>lb</sup>, eselon 10<sup>nan</sup>, a kera Sene, jiko, begenmara ni moni soronibaaraw ka donnogonnaw lasagolibaarada sekareteriba ye ;
- An balimance Abudulayi **GIRE, Matirikili 254 862 R**, Senebaaraw lonbaganana, kilasi 1<sup>lb</sup>, eselon 4<sup>nan</sup>, a kera Baarakalan banbali ni baara yiriwali namogo ye Jamana ka sene baarakalan kalanyoro min bi Maturuku ra.

#### **C. SORŌW NI NAFOLOKOW MINISIRISO TOGŌ RA**

- An balimanmuso Nana **BANDIRE/TARAWORE, Matirikili 58 465 E**, Lanpow lasagoli ensipekiteri, kilasi 2<sup>nan</sup>, eselon 6<sup>nan</sup>, a kera Lanpokow jayirali lonbaga ye Guvereneman ka baarakunda baarakelaw ka yerelalagasoli eretiretiwari marakesi ra ;
- An balimance Oromiyalidi Samudipawende **NIKIYEMA, Matirikili 57 139 W**, Lanpow lasagoli ensipekiteri, kilasi 2<sup>nan</sup>, eselon 1<sup>lb</sup>, a kera Waga VI lanpo maralida namogo ye ;

- An balimance Lasane **KARIGUGU, Matirikili 55 744 D**, Lanpow lasagoli ensipekiteri, kilasi 2<sup>nan</sup>, eselon 4<sup>nan</sup>, a kera Santiri IV<sup>nan</sup> ka kenyererebaarada makayaninw pamogɔ ye ;
- An balimanmuso Orokiya **DIYABI/SANOGO, Matirikili 239 762 Y**, Nafolo lasagolibaaraw , kilasi 2<sup>nan</sup>, eselon 2<sup>nan</sup>, a kera Warimarala ni baarakeminan jatilikelaba ye Burukina ka saratabaara lasagoli baaradabolo Faso « Faso Tonlo Zi » ra ;
- An balimance Basene **BAKONE, Matirikili 346 173 X**, Duwarebaaraw lasagoli segesegelikela, kategori I, jalabaju, eselon 4<sup>nan</sup>, a kera Jamana ka nanmarakeslew keleli baarakulu mogɔ ye, min loyoro ye faba baarada jomogobaya ye.

#### **D. JAMANADENW KA BAARAKELAW MINISIRISO TOGO RA**

- An balimance Usumani Davidi **ZANE, Matirikili 212 429 T**, Baarakelaw lasagoli konseye, kilasi 2<sup>nan</sup>, eselon 3<sup>nan</sup>, a kera Baaradaw ka baarakesira segesegelikela ye.

#### **E. KUNNAFOLIJENSEN, LONKO NI KOROLENKO, SEKOYIRABAARA NI NADENLOGOLO MINISIRISO TOGO RA**

- An balimance Salifu **WARIMA, Matirikili 220 278 V**, Kunnafoni ni kumapogonya lonniw n'o feerew konseye, kilasi 1<sup>lo</sup>, eselon 5<sup>nan</sup>, a kera Kumapogonya ni kunnafonijensenfeerew pamogoba ye.

#### **F. FASO LOLI MINISIRISO TOGO RA**

- An balimance Kuka Benzamen **KONKOBO, Matirikili 92 929 S**, Mogogwansanw ka boonw locogo n'o lfeerew enzeniyeri, kilasi 1<sup>lo</sup>, eselon 11<sup>nan</sup>, a kera Feerelonbaga ladilikela ye ;
- An balimance Gomusida **WEDARAWOGO, Matirikili 75 404 M**, Mogogwansanw ka boonw locogo n'o lfeerew enzeniyeri, kilasi 2<sup>nan</sup>, eselon 6<sup>nan</sup>, a kera Minisiri ka nonabila ye ;

- An balimance Suwako **KOHUNI, Matirikili 91 369 J**, Laminikalan lobagaṇana, kilasi 2<sup>nan</sup>, eselon 6<sup>nan</sup>, a kera Jamana ka yorow labenni ni loliw korosili baarada pamogoba ye ;
- An balimance Musa **DANBELE, Matirikili 48 523 H**, Cemancekalan ni sanfekalan ka warikow lasagoli konseye, kilasi 2<sup>nan</sup>, eselon 4<sup>nan</sup>, a kera Nafolow lasagoli pamogo ye Guvereneman ka lolibaaraw kalansoba ra ;
- An balimance Bobolewende Solome **WEDARAWOGO, Matirikili 241 642 R**, Ladagamulibaara lasagoli konseye, kilasi 1<sup>lb</sup>, eselon 8<sup>nan</sup>, a kera baarakalanbaju pamogo ye Guvereneman ka lolibaaraw kalansoba ra.

**Guvereneman ka kumalasela**

Le Porte-parole du Gouvernement,



**Pingdwendé Gilbert OUEDRAOGO**  
Chevalier de l'Ordre de l'Étalon

**Pengidiwende Ziliberi WEDARAWOGO**  
Faso ka jalatigi



[www.sig.gov.bf](http://www.sig.gov.bf)